



空同先生集卷第八

詩 樂府四十六首

鏡歌曲三首

雷之奮

月如日

雜調曲二十一首

塘上行

甄氏女詩

五仰詩五首

招商歌

空同集卷八

妾薄命

嗟哉行

行路難

詠史一十一首

賦大隧

青陵臺

汝為我楚舞

左袒行

轅下駒

赤鳳曲

短調歌一十一首



鳳之升

艷歌行

師曠歌二首

林池歌

順東西門行

一詩

苦哉行

朱榴篇

白紵詞三首

公儀休

射潮引

博浪沙

申屠嘉

栗太子



子夜四時歌八首

車遥遥

幽蘭

掌上舞

鏡歌曲三首

雷之奮

雷之奮翕兮張山之陽發坤藏闢哉昌群龍載浮列
缺光列缺光烜中土惠甘雨介稷黍聖人垂衣民歌
舞民歌舞祛禍菑飢而食飽斯嬉厲鬼潛滅維福基

鳳之升

鳳之升附龍雲儀萬方昭帝文昭帝文承宗禋安如
山翕如坤兩宮豫協天神帝臨朝奏雲門戛鳴球笙
鏞振昭四方明萬民萬民愉庶物亨陰陽熙乾道成

乾道成皇業昌軼周如纘塗戎臣稽首歌雲龍

隋集卷八

二詩

唐

月如日

月如日光如輪輪五色續哉紛貫紫霓揚風翎扶太
乙侵紫庭化爲白氣干天經張我弧挾我矢祛稜滅
妖天道理

雜調曲二十一首

塘上行

蒲生何離離過時采者稀莫言采者殊盛衰自有時
解一昔與君相見不謂行當變讒言使交流水清石自
見二孔雀東南飛十步一徘徊羅鷲羽翼短安可作
雄雌三今日樂相樂飲酒行六博蒲生枝葉多中心

亦不惡

四解

會天風雨具其于風不止吾我音于封自

艷歌行

杲日出扶桑照我結綺窓綺窓不時開日光但徘徊

一解通阡對廣陌柳樹夾樓垂上有織素女嘆息爲誰

二解思解步出郭東門望見陌上柳葉葉自相當枝枝自

相糾三解

魏氏女詩

予讀魏記見甄氏女失身以讒被誅即其絕鳴

之音至慘戚不可讀而竟以讒死悲夫然卓氏

女亦奔相如作白頭吟何所遇懸絕也陳思王

浮萍詩或稱托風於甄氏比之長門成敗異矣

簡集卷六

三一詩

豈非事人者之永鑒哉

種樹高堂下枝葉何留留辭家奉君子置我青雲樓

一朝意乖別棄妾忽如遭昔爲同溝水今向東西流

獨守結心脾夕暮不垂帷明月鑒玉除清風一何悲

曳絢立中庭仰見明河湄明河光不回念妾當何依

沉思仰天嘆淚下如斷縈

師曠歌二首

詳見樂書

宮筵肆兮哀絃拊玄鶴降兮鳴且舞呼煙侶兮嘯雲

友誰能爲此師曠子

右玄鶴歌

招白雲兮會天鬼雨具其于風不止君好音兮徒自

苦民悲嗟兮離棄女

右白雲歌

五仰詩五首

余懷五嶽尚矣婚嫁未畢頗有向平之嘆大史
公曰高山仰止景行行止即未能至心竊嚮往
之於是作五仰詩焉

我所仰兮在華山側身西望阻秦關蓮嶺阻修徒離
嘆仙人贈我白瓊丹翳三秀兮吟葛覃我欲從之途
路艱西望咸陽涕潺湲

二

我所仰兮在衡山側身南望阻荆關祝融峯亭心悲

空齋集卷八

四一詩

唐

酸仙人贈我赤瓊丹婆娑桂樹山之間我欲從之途
路艱南望洞庭涕潺湲

三

我所仰兮在泰山側身東望阻齊關南有龜蒙東蕭
然仙人贈我綠瓊丹招我東游扶桑間我欲從之途
路艱東望河濟涕潺湲

四

我所仰兮在恒山側身北望阻燕關飛石岑巉不可
攀仙人贈我黑瓊丹帶星辰兮佩鳴環我欲從之途
路艱北望鴈門涕潺湲

五

我所仰兮在嵩山側身遙望阻韓關企余望之良匪
難仙人贈我黃玉丹手持金光翳華管我欲從之途
路艱遙望緱城涕潺湲

林池歌

翩翩黃鵠玉距金衣飛引兩雌來下我池肅我徒駕
我舟折荷花兮擢中流女揚歌龍豹馴陽阿雜進齊
謳陳會鼓擊樂未央皇家萬壽民阜康

招商歌

荷爲蓋水爲車女豔豔兮繡帶舒辟陰館坐陽渠招
涼風兮吹玉竿吹玉竿感心志晝卷夜舒蕩人思榮
景沉凝霜零仰首太息沾我纓

商集卷八

五詩

唐

順東西門行

嘸人生七十稀來日苦奔去難追賢子孫富家資耳
聰眼明心寡悲酒旣清殺核時首春禽鳴梅滿枝人
道成世運熙乃今不樂當待誰召同姓請鄉耆鼓瑟
飲醇祝期頤

妾薄命

蘭房宵宴燭舒明今者不樂歲其征豈伊異人惟友
生金杯玉盤殺雜呈恃容驕愛各極情任心屬懼密
意傾美人顧予獨目成鳥履雜蹂香澤傳額瞬目語
中意宣主稱千壽客萬年攬衣起舞體仙仙燕翻雪
迴臻極妍羅濡殺潤汗沾顏履遺珮絕立未安滿堂

稱能燈屢前金爵弱腕未勝持相擎袖遮情語微促
尊前席影齊移繡裾珠袂光透迤耳後懸瑣何纍纍
皎若芙蓉出綠池贈我彤管親所將車疑馬停仍虜
觴德音愛深結肝腸醉沉獨言猶不忘歸室自解鳴
玉璫九華流蘇雞舌香合眼宛在君之旁覺來微月
鑒空牀起視北斗長闌干踟躕露晞日上山義成愛
施良獨難悲思嘆息淚汎瀾佳人絕代惜玉顏情會
恩離摧我肝願託錦衾終此懽

苦哉行

從軍北到長城長城草枯窟不平十月風發霜霰零
人鬚馬毛冰結成東歸太行踐羊腸斫冰煮糜岩谷
旁攀枝掩淚瞻故鄉紅顏搗素怨夜長悲離恨阻斷
肝腸破鏡何時飛上蒼

嗟哉行

人言高樹多風群鳥巢其顛勁幹從來易折弱者永
其年蘭茝雖異衆草秋至同一零君子不愛其本身
屈名乃成

朱榴篇

朱榴雖擅名不與衆草爭春陽炎天衆草死朱榴吐
豔何揚揚緝緝攢葩不結實可憐此物終拋擲

行路難

錦筍翠蛾心莫疑色銷言忤情遽離偶投響諾山歡

移背面詆訾孰復知川塗憂風備其舟彼風東西流
波翻浪側時不休泊船倚岍纜樹根彼何者鳥翻然
喧願置此曲令心煩

白紵詞三首

鐙繁月明夜何長華桂鳳髻曳鳴璫裊雲流影歸洞
房引商刻徵斷人腸金鞭驅馬立徬徨解衣酣酒歌
未央夜闌雞鳴不下堂

二

天河爲橋一水長雙星怨夜遙相望玉簾金蕩衢路
芴塵暗鐙殘芬秀揚轉眸明月低西方墮曆流鈿飄
碎光馬停車駐空斷腸

甯集卷八

七詩

唐

三

五更月微含素波飛霧英英沒絳河桂宮蘭室棲玉
娥外極金鰲萬象羅萬人齊和一人歌生丁福運民
太和竟日爲懽豈足多

詠史一十一首

賦大隧

賦大隧兒賦隧中母隧外母思啓段段已舉不及黃
泉是何語潁人不來其柰汝潁人不來猶之可殂上
分羹痛殺我

公儀休

園中豈無葵相公柰何饑相君即無衣不愛室中機

相君千萬歲請治相君樓桓公霸諸侯管氏有三歸

青陵臺

兩山當中開露出青陵臺北山雖張羅南山鳥不來
我在南山自有匹馬牛之風豈相及吾頸可斷志不
易

射潮引

錢塘八月潮水來蛟龍奮怒濤爲雷天旋地拆不可
止此中云有鷓夷子何不張爾弓挾爾矢射殺鷓夷
潮可止君不見潮水年年八月來萬弩射潮終不回
汝爲我楚舞

寄同集卷八

八詩

汝爲我楚舞吾爲若楚歌黃鵠翼成將奈何黃鵠一
舉橫四海君王豈有四海羅君無四海之羅安用此
殃君美人毒君子

博浪沙

博浪沙中擊椎走鴻門帳前撞玉斗誰謂張良貌如
婦赤帝子起鞭赤龍臣也請歸從赤松赤松子在何
許君不見朝烹狗暮縛虎

左袒行

陵曰不可平曰可安劉者誰勃與我奇不信祿不入
軍右袒計安出

申屠嘉

鄧通小臣敢皇侮錯也何人毀廟堵臣欲戮通帝弗

許請收錯誅帝罔與含血自殲報皇祖

轅下駒

鄭當時轅下駒韓安國兩首鼠禿老翁竟斬汝廷臣
不語淮陽語君不見金家婦王家女一言殺兒還殺
母何況區區老禿且

栗太子

燕燕汝今銜泥向何縣遮天蔽日過長安堆泥作塚
高如山飛來未央官銜取梁上土黃口見母來啞啞
張吻索虫哺

赤鳳曲

前赤鳳後雙燕頭岑岑兮尾涎涎組幘郎君夜相見
相見騎白馬驚起城上烏城上烏據巢食兒夜相呼

短調歌一十一首

子夜四時歌八首

共權桃下嬉心同性不合權愛桃花色妾願桃生核
柳條宛轉結蕉心日夜卷不是無舒時待郎手自展

右春歌

獨夕玉階側仰看三星爛畏熱不歸房徘徊夜將半
驚棹出驚流回橈戲清沚擘破芙蓉花中有雙蓮子

右夏歌

涼風吹玉樹團扇置不理儂亦有涼熱何況戴冠子
摘葉裹流螢應手葉先落本無牢根蒂虛怨秋霜薄

右秋歌

郎住西水頭妾住東北許何能水遂合永免風波苦
雪飄悵難行室爾阻相覓不畏風色嚴畏此雪上跡

右冬歌

車遙遙

車遙遙遙復邁邁望見秋塵起不見車輪轉知在
秋塵裏

幽蘭

幽蘭敷紫莖羅列生堂基踰時君不采隔情當怨誰

掌上舞

晨遊憩陽館夕宴戲風臺盈盈掌上舞飛飛素雪廻

空同先生集卷第八

空同集卷八

十一詩

唐

空同先生集卷第九

北郡李夢陽撰

詩 五言古詩四十六首

感述一十一首

雜詩六首 發京師二首

七哀詩 與客問答二首

贈寄三十五首 贈徐禎卿

衛上別王子二首 又贈王舍人四首

贈王舍人昇二首 贈徐陸二子

贈劉氏五首 寄康脩撰海二首

申州贈何子 一詩

空同集卷九

贈王生滇南 送姪木北上

送秦氏 送谷氏

別李氏二首 贈甯氏二首

送閔氏 長歌行贈房氏二首

憶昔行別閔侃 贈沈氏二首

送蔡帥備真州三首 與客問答二首

感述一十一首 與京師二首

雜詩六首

燂燂雲中電流光西北馳僕夫夙嚴駕吾欲遠游之

出門履微霜四顧何茫茫豺狼當路遠鴟鴞薄雲翔

改轍理方舟欲逝川無梁俛仰歲將宴愴惻涕沾裳

二
西國有佳人獨立青雲端容豔若桃李左右佩芳蘭
含思理玉琴泠泠一何閑更節有餘悲曲終再三嘆
借問嘆者誰中意難自宣沉吟攬衣帶仰視鳴鶴翻
思阻望不申何況隔丘山

三

梳櫳餽以傾梁棟誠獨難流言播四國周公有疑患
涼飈激頰景奄忽不可攀衆羽日續紘朱鳥戢其翰
殺身苟無益去去從所安傷哉式微詩千載起余嘆

四

明月照我懷耿耿殊未已霜雪委如山悲風中夜起

空同集卷九

二

詩

攬衣仰天嘆涕隕不可止卞生抱荆玉捐軀剖終始
青蠅脩來集白黑反在此城闕屹九重浮雲日千里
我欲竟此曲此曲悲且苦

五

妻霜變為雹二氣斂而藏天道有代謝人謀豈恒臧
此杓酌元化亭亭自低昂上帝棲紫宮衆緯錯以行
謂山蓋高有梯可陟謂淵蓋深有舟可涉自非雙黃
鵠天路安可躡

六

茅以韜為席柏以勁為薪君子憂治世愚者幸不辰
張置以待兔雉也菑其身物理雖云殊惟脫各有因

浮沙卷奔藿朔吹揚驚塵日暮臨大道悵望曷能陳

發京師二首

正德二年春二月作是時與職方王子同放歸田里

驅車彰義門遙望郭西樹冠蓋耀青雲車馬夾廣路
威風何赫奕各蒙五侯顧回颺動地起白日條已暮
棄擲委蔓草榮華若朝露良無金石交人生豈常故
絺綌足禦冬誰念紈與素愜彼白華篇氣結不能懣

二

萋蘿附松柏枝葉固相因行子戀儔匹况遇同鄉親
北風起河梁日暮多飛塵携手同車歸駕言西適秦
道遠長渴飢客子懷苦辛仰瞻天漢流夜永不得晨
驂馬媚其曹鳴鴈各求群明星出東方照見車下人
夙興即往道登彼高路津還顧望京邑愴焉何所陳

空同集卷九

七詩

七哀詩

問客何方來四月發回中繁霜墮百草樹木如寒冬
客行一何遙客顏一何憔悴舉目望關山關山鬱蕭條
少壯盡乘邊崖谷何寥寥戰馬不解鞍弓矢常在腰
碩鼠走空倉城上狐狸跳咄咄勿復陳更問北來人
六月天雨霜哀哉生不辰

與客問答二首

門有萬里客顏面帶風霜左右佩雙鞬意氣何揚揚
問客何州士逝將之何方客亦不顧云但言聞中堂
手持一書札口口稱故鄉長跪受書札草字八九行

上言親戚故下言別離傷

長跪牽客裾故鄉今何如客起長跪言故鄉不可居
墳隴既蕪沒寧復識田廬隣巷鮮故人族屬半丘墟
巖巖高山谷今爲官路衢主人聆客言涕泗交漣如
離鄉三十載小女爲人姑邇者日以親遠者日以疎
狐狸知故穴牛馬知故陸願爲連理樹托根北山隅
贈寄三十五首

衛上別王子二首

晨風應候至雞鳴各巖車我今游宋中子當旋舊閭
僕夫理前綏轅馬悲鳴趨一別阻秦周相望萬里餘
首春霜露重厚汝征衣襦昔爲同袍士今在天一隅
故者日以遠疇能察區區

空同集卷九

四詩

二

稅車朝歌里送子輝水陽群鴈起高飛凌風各分翔
敦交多故懷况乃憂故鄉征夫愁短日去馬知路長
童童孤生柏結根南山旁願言采此柏遺我心所當
良無白鵠翼何以得高頽

贈徐禎卿

獨處忽不懌攬衣循東廂樹木何修修春風起飄揚
我友駕在門告言適江湘倉皇挈玉壺追送臨河陽
顧瞻兩飛鳥並戲水中央翩翩厲羽翮鳴聲一何長

柰何游客子一別永相望時澤亮有周天命固其當
薄終義所劣別離庸詎傷懿彼回路贈慷慨申此章

贈王舍人昇二首

迅風激高雲朝日照嘉林良友忽遠適惻愴摧我心
川原望靡極江路浩且深殊域寡親戚孤子故難任
荼蓼積愈苦淚下不可禁

二

攬淚瞻林木韡韡敷華葉層闌帶廣陌車馬暮相接
駢裾侈高會誰念獨守妾豈不思方舟川廣不可涉
葑菲遺下體舉世重紅頰勸子且寧志爲恩孰周浹

又贈王舍人四首

空同集卷九

五詩

送美城東陌還車望上陽觀闕百餘尺蓉城鬱相望
同在天一隅子今旋舊疆經子故所居我馬立徬徨

二

徬徨亦何爲悵望遠行客枯桑號天風時節修復易
簪紱匪我榮棄置安所惜願爲東南風遂附高翔翮

三

勁翮無群棲靈根豈叢蒨人生非苦匏安得常相見
動息各有因况乃異鄉縣徘徊岐路側仰視雲中鴈

四

鴈征會來歸君行何日返驚風飄馳光歲月忽已晚
登山采白苓遺我心繾綣上言制頽齡下言助餐飯

贈劉氏五首

哲哲吳中娥奕奕宛清揚邂逅此堂隅瞻顧兩回翔
攘袖發皓齒列坐無高倡行雲爲徘徊順風託馨香
周席莫不嘆側目在流光何意芳盛年峻義明秋霜
於禮誠銷薄銀漢徒相望

二

矯矯雲中鵠忽忽晨南翔連翩客游子駕言逝何方
霜露日夜零東路悠且長意欲從子逝我馬玄以黃
徒思諒無益欲置難遽忘愛子千金軀雙親在高堂

三

埋輪國東門駕舟越洪洋晨發天北隅日夕至建康

空同集卷九

六一詩

皇居槩太清陵樹何蒼蒼白馬服衡軛飄飄過路旁
敦文豈獨薄貧賤多顧藏所志在寧親榮耀乃其常

四

青陽獻嘉歲玄鳥鳴我堂遠子念行役驅車發南疆
豈不誠辛苦王事切中腸駢駢沂原薄拊劔何慨慷
群形冒休澤朽榦揚朱芳君子法天造小人曷能臧

五

回車太行谷結轡登羊腸羊腸何崔嵬俯視見大江
大江日東注游子悲故鄉故鄉復迢遞欲濟河無梁
晨起振我纓駕言行朔方丈夫貴榮名臨路徒離傷

贈徐陸二子

徐名縉字子容姑蘇人陸即深也

清晨思行游駕車郭西門凝霜被野陸莽多荆榛
霖雨不歸川四顧無行人何意岐路側悵然獲所親
晤言不須臾含意俱未申雲間富才傑具區產名珍
一爲時所知光耀在青雲情交苟不劣窮顯非所論
感激平生義匪爾誰當陳

申州贈何子

翩翩雙黃鵠凌風各將去哀鳴岐路側一步一回顧
何異同心子失散在中路別君條五載我髮忽已素
今逢不須臾趨駕一何遽臨分但踟躕道語不及故
山川何悠悠白日奄欲暮努力愛玉體慰我長思慕

寄康修撰海二首

空同集卷九

七詩

晨步城西岡遙望終南岑荆棘高蔽天白曜翳以陰
雞食鸞鳳飢蛾眉讒妬深葑菲遺下體一別成飛沉
出門眺四郊莽莽悲風吟海水有可測傷哉誰諒心

二

少陰盛霜雪崎阻鴻鴈饑荷斧入林谷日暮誰共歸
林樹窈冥冥徑路多虎羆北斗橫塞岑卻野風振悲
欲往河無梁念子忽如迷榮耀在湏臾亡沒誰復知
思附玄鶴翼從子以高飛

贈王生滇南

人生如枯蓬團團隨風轉朝猶同一隅夕暮異鄉縣
鳳凰擇林遊奮翼思高飛一飛萬餘里路溢常苦飢

岑巒造青天蹊礪何萎移食尋竹實餐棲必梧桐棲
德音倘不墮慰我心所期

送姪木北上

群鴉競時食孤鴻獨高翔丈夫四海心誰能安舊疆
杖劍辭所親策馬登前岡歲晏霜露繁原野何茫茫
草枯禽獸飢潢潦涸以長感吟悲蒹葭試鳴候朝陽
曷哉樹名勲念茲西頽光

送秦氏

秦名文字從
簡台州人

健足慕千里倦翮常卑安陶子重折腰貢生乃彈冠
黃龍日南游長江浩瀾瀾竹實匪不甘鳳孤誰爲歡
故廬倚青松懸崖激鳴湍返真謝形役庶以成盤桓

送谷氏

空同集卷九

八
詩

零雨晨微微艾葉何旆旆端居轍中憂駕言送征邁
黃河流湯湯飛雲下燕代臨汀羅觴俎趨景徙傾蓋
轅馬望路鳴僕夫整衣帶孰非金章客子也獨所愛
行行樹聲猷及此明良會

別李氏二首

逸禽耻淹棲良駟競先步出門有行游諸所豈得顧
辭燕戀舊壘渚鴈企高鶩情離誠有猝心期固其素
匪無便僂子新人不逮故踟躕野飈夕分手即前路

二

前路乃何之迢迢夢雲澤霖雨暮戢戢囑子且停輓

墮籜委川徑潢潦浩以白熒熒雙龍劍佩服我所惜
水行蛇虫匿陸邁虎兇辟願言奉心懽庶與備朝夕

贈甯氏二首

野苕菱平眇寒露一何早凝霜一以零蘭蕙亦衆草
美人中夜興憂心怒如擣玉石誠靡別妍華恃疇保
瑟瑟谷中松見者豈不寶良無匠氏顧嘆息歲將老

二

白日何冥冥送子黃河陽執手無一言仰見雙鴈翔
處卑心罔怡奮飛多中傷撫劍兩踟躕低頭涕沾裳
天運有銷盈志士懷剛腸去去愛景耀離別固其常

送閔氏

空同集卷九

九詩

怛怛困暑溽悠悠抱中戚時蟬邇戶響流汗揮復積
登高散我憂忽覲遠行客爲問客者誰是我心所憚
律律佇征雲迢迢逐歸翮孰無室家念忖爾懽聚夕
伊余胡寡仇瑩瑩痛離析

長歌行贈房氏二首

捷步競先鳴達人貴沈幾鴻鵠翅摩天於世常高飛
煌煌冠蓋朝踈也乃獨歸誰云傷秋子而爲鱸魚肥
彼哉粉榆儔豈知千仞輝

二

瀰瀰夏川廣驚風夕揚波春言送誠歸軒騎匣中阿
倦鳥故林趨獸離懷前窠君看纍纍實豈復華其柯

皓首聲利途攸見無乃頗

憶昔行別閩俚

憶昔少年時遨遊咸陽都邂逅塵埃裏相邀入酒壚
半酣擊劒起挾彈青門隅風蓬離本根奄忽浮雲徂
聚散良靡期晤言誰復圖濛濛零雨辰悠悠梁園途
翩翩白馬鳴藹藹朱華敷昔逢美姿顏今也白頭顱
中藏難遽宣相看但捋鬚前路浩崎嶇愛子衰暮軀

贈沈氏二首

辭馬鳴故群羈人戀心知身也匪木石孰無懷與思
藹藹軒蓋途才捷競先時冥冥歸林翮爰集非無枝
龍蛇悟易訓蟋蟀感唐詩情感辰靡延把袂竟河涯

空齋集卷九

十一詩

贈子金錯刀申子古別離德愛誠匪他邁君豈無期

二

且日子當發淹留復今宵良乏美盤餐爲君品鳴簫
君子巖下松霜霄頰不消衆草苟移時化爲艾與蕭
聆曲覆不憚倦焉傷迢遙携手步前庭仰面看招搖
巢子潛箕陽四岳俞唐堯願言修九苞曳佩鳴天朝

送蔡帥備真州三首

晨颺下巖霜波水白浩浩雞鳴人語動趨駕恨不早
出門望原野四顧但衰草芒碭一何寥驚鷺鳴寒蓼
老驥志千里烈士輕遠道臨事毋謂難爲善豈在小

二

颺舟逾長淮登陴望大江氣勢何鬱盤皇矣真我邦
官殿槩高擘山變青蒼橫颺靜霜夕天塹如沸湯
時平智士拙貨賤良賈藏無言邊境勲寧居亦慨慷

三

隕霜凋楓林澤藪莽虞虞結徒策青驪行狩聊我娛
左發殪玄兕右捎什文駮插羽坐草間飲酎炙鮮腴
川光夕明滅鴈驚風叫呼立馬千仞岡仰送浮雲徂
彈劔問所私何如李金吾

空同先生集卷第九

空同集卷九

詩

空同先生集卷第十

北郡李夢陽撰

詩 五言古詩五十六首

感述二十四首

時命篇 述憤一十七首

離憤五首

赴江西之命初發大梁作

雜詩

雜詩三十二首

感述二十四首

時命篇

空同集卷十

一詩

代馬不戀越荆禽豈巢燕鸚鵡渡汶水君子憂未然
奈何容游子率爾辭故山行獸顧丘林出雲有歸還
交交聲利途軒車日駢闐誰念牛下人悲歌夜中嘆
豪門有棄襦我衣恒不完張儀懼諸侯泄柳乃閉關
貧賤豈盡愚時命當自安

述憤一十七首弘治乙丑年四月作

是時坐劾壽寧侯逮詔獄

天門鬱嵒崑虎豹守其隅番番九苞禽顏頰舞雲衢
銜書奏至尊青龍與之俱光夕絕還響徙倚空愁予

二

帝居杳何許蒼蒼隔九闌白玉爲阿閣黃金爲重門

可望不可扣仰見飛雲奔何當發炎旭下照孤葵根

三

韜響久不作烈士常苦辛魏裾已寂寞漢檻空嶙峋
邈焉向千載曾習懷斯臣皇心苟識察百死寧一身

四

懸車曜回景夕風起喬林撫茲散沉憂浩蕩開重陰
迴翔瞻闕門躊躇思玉音宵坐燭明燭懷古傷我心

五

大化罔不虧人生固多艱汎觀疇昔人浩然發憂嘆
自非餐霞侶伊誰駐朱顏律律南山岑拂衣會當還

六

空同集卷十

二一詩

孟夏草木長垂雲一何凄零雨宵始歇西山朝復隳
兀然坐高春時聞鶉鳩啼逢辰寡宿懽履運傷前迷
既無杯中物何以寫我悽

七

飄風自南來颭颭入我懷我欲隨之翔北向三重堦
守闔遙望予閭闔何由排戚戚勿重陳危言多厲階

八

夕雲鬱崢嶸頽陽入西丘返景漏林端明我屋上樓
靜久得玄理源澄復何求永懷鄒陽子聊以抒我憂

九

苔井肅陰森獄廟闕以清車前當路翻紅葵夾階生

羈人散煩疴，紆徐步中楹。時禽變好音，庭柯敷夕榮。
詎知沮洳場，曠然獲悠情。

十

青青廟中槐，交交一雙禽。爲巢育其兒，結構良苦辛。
一朝驚彈羅，移棲向高林。我行適見之，嘆息空彌襟。

十一

湫宇夕陰陰，寒燈焰不長。氣棲遽微明，飄忽如清霜。
人云網恢恢，我胡寓茲房。墮鼠語床下，蝙蝠穿空梁。
驚風振南牖，徂夜修已央。於邑不成寐，展轉情內傷。

十二

小草生枯桑，芊芊競芳辰。雖云殊本根，寄托各有因。

空同集卷十

三十一詩

自我罹幽囚，忽焉經浹旬。我兄千里餘，渺渺長河津。
妻子日望余，蒼蒼隔西隣。所幸二三友，笑言越昏晨。
宵鐙促燕膝，昵語忘苦辛。患難苟相得，毋論骨肉親。

十三

檐月何徘徊，晨風復依依。載言別同居，倉皇倒裳衣。
處者各惆悵，去者從此辭。挽手刺刺語，寄言家中知。
丁寧故與親，願勿長相思。明明昊天威，我父寧在茲。

十四

皇矣彼上帝，赫赫敷明威。四序舒以慘，中有玄妙機。
燭龍曜天門，一朝景光回。昔爲霜下草，今爲日中葵。
稽首沐罔極，欲報難爲詞。

十五

明月出東方徒行反入室室人走相訊問我何由出
明知非夢寐欲辯仍自失喜極雙涕零轉面各銜恤
垂鐙照緗卷浮埃滿朱瑟愁言卒未傾忽復見晨日

十六

鳴鑣踰廣陌執簡謁彤闈道逢相識問倏如遠行歸
虎拜閣門下龍顏霽晨輝二后邈以迢吾皇嗣其徽
從諫如轉丸旁求炳先幾令聞洽四國壽與南山齊

十七

臣本草野士弱冠承恩私黽勉簪紱間低回赧容姿
直湍寡回波勁木無弱枝天運不易測物情諒如斯

空同集卷十

四一詩

七

修塗方浩浩駕言赴前期

離憤五首正德戊辰年五月作

是時闇瑾知劾章出我手矯旨收詣詔獄

采采何邊蘭鯉魚何盤盤念我同胞人訣絕摧心肝
事變在須臾浮雲逝無端臨發路踟躇誰敢前爲言
原鴿抗高聲我行何時還十步九回頭淚下如流泉

二

練練晨明月鬱鬱風中柳蒼茫遮我車識是平生友
感君故意勤贈我雙瓊玖虎狼夾衡軛狐狸草間走
東方漸發白聊歸勿爲久天威煽方處君子誌其口

三

北風號外野五月知天寒海水晝夜翻南山石爛爛
丈夫輕赴死婦女多憂患中言吐不易拊膺但長嘆
永夜步中庭北斗何闌干裂我紅羅裙爲君備晨餐
車動不可留佇立淚汎瀾願爲雲中翼阻絕傷肺肝

四

驅車重行行前上西山陲白日忽已冥歸鳥來何遲
飄風吹征衣北逝方自茲行路見我行不行爲嗟咨
苦稱途路澁君子莫何之欲訴難竟陳天命自有期

五

結髮事君子締結固不解青蠅玷白璧馨香逐時改
恩阻愛不周棄擲良在此紅塵何冥冥白日淪西海
對面有訣絕何況萬餘里得寵各自媚誰爲展情理

空同集卷十

五 詩

訛言方蝟興君子慎其始

赴江西之命初發大梁作

戚戚辭故里盛陽遠行游入門揖兄嫂征馬已駕軌
日午登前岡浮雲逝南流零汗透衣巾僕夫行悠悠
軀微懼命重慷慨但懷愁還望故所居匹鳥鳴相求
而我獨何爲道路常懷憂

雜詩三十二首

英雄樹大業奮志常慨慷捐身赴國仇效命爭戰場
明甲耀皎日挽弩千石強矢石下如蝟殺聲如沸湯
被刺目不逃貼危氣益昂雄名輝冊符生死固其常

大司肅制度鴻儒振英儀生殺原異門爲猷視厥施
我冠巍堂上巧笑美容姿孤心生暗鬼耳聞伴不知
膏梁媚妻妾無賴充王師白刃起如林狗馬用羈縻
榮達信有命嘆息將奚爲

三

其工觸山折夸父去無還媧氏懷憂傷鍊石思造天
妖姬鼓袞瑟嬉戲玉臺間草昧怨無侯哲者中自煎
小鳥填巨海蘆灰遏洪川力誠有不及心情良可憐

四

昔余曳鳴珮謁帝扣天闔聖人垂袞衣賡歌庶事康

空同集卷十

六一

鼎成不我顧奄忽驅龍翔生死變化理反覆開存亡
榮華有銷落連茹切微霜晨朝在須臾返車棲扶桑

五

命駕將何之意欲快我心蠻方亂如麻匈奴寇榆林
輝劍誓俱亡彼軍忽如沉豈爲尺寸勲國仇怒至今
崑崙貢織皮鴟鴞懷好音功高固不賞讒妬來相尋
哀哉險側子傾詞誰見欽

六

大道竟焉陳末運忤相欺讒疑進具錦交亂令心悲
鴟鴞翔茂林烏鵲遊下枝人情有偏好觸意生乖離
長門緒清吟魚肉怨新詩玉分石見仇咄嗟當語誰

七

遨遊寫憤懣，駕言凌洪濤。洪濤匪我遊，改馬登山椒。
朔風一來至，林谷何蕭蕭。鬼恠時以興，雲逝誰能招。
禽鳥相聚鳴，原獸復晨號。置此勿徒苦，乘雲可宏翱。

八

有行東園椒，結實何累累。條遠敷不易，斧者見行摧。
燕雀本小鳥，志欲翀天飛。哀哉不自諒，失路將安歸。

九

悲風厲歲晏，宵旦未云已。寒冬雨雪至，江漢驕南紀。
臨堂翳孤松，杳杳嘆成理。涼潦不溢澤，時鴈鳴高起。
一飛摩青天，倏忽乃萬里。訊言蓬蒿士，杳杳竟何以。

十

亭簡集卷十

七詩

上

晨出進賢門，南向望東鄉。清川激崇岑，彌野何茫茫。
白骨皜四隅，群鳥噪枯桑。闔門已殺戮，鴟鴞復來翔。
日晏時易冥，漏網頓天綱。思此愁我心，還車眺河梁。
玄鶴斬高鳴於世，常激昂一逝，聲影滅誰哉。見孤頑。

十一

登山望四海，日夕忽至沉。俯身眺城郭，海然沾我襟。
交路夾芳蘭，逝駟何駸駸。朱樹藹閒榭，竒巧媚荒淫。
北里進異舞，高唐呈妙音。織羅振芬芳，朝雲邇嘉吟。
不見秋至草，零落愁春心。

十二

兀然坐空堂戚戚恒竊悲曠世懷一鳴燕雀翻見欺
惡名收范公文致詆朱熹身親罔自明萬世余焉知
霜露墮華草顛顛今其時百年俟論定恃此良可嗤

十三

倚閭遲佳人日莫期不來拂衣舍之去去上延秋臺
旗旌蔽原坂鼓角鳴且哀黃鵠翔不下腐鼠鳴見猜
壯士憤國難撫劍但徘徊白日倏西傾愴惋肝肺摧

十四

灼灼綴枝華榮豔一何好朝陽溢其葩餘光照寒槁
冠蓋沓衢路致身競先早磬折名譽塲銷鑠成醜老
一夕不復晨墮落隨秋草逍遙可竟世繁華詎足保

字同集卷十

八詩

十五

陽回杳無朕朔風振江郊翩翩者何禽銜枯創新巢
長短有成理環也特其遭窮者非盡愚顯豈皆賢豪
羲陽奄西馳今夕明復朝如何途路子得意恒自驕

十六

無榮亦無辱倚伏還相隨韓侯嘆良弓寧復歆昔時
華春敷明陽各艷容與姿孤松秀巖冬歷世誰可期
照耀東門瓜前貴今豈知較計毀譽間無乃賢達卑

十七

昔有玩世士乃處匡山阿其人久已冥春林發煙蘿
故址栗里旁見者不忍過荷鋤豈不苦刈薪行且歌

詆毀日來加醉酒良靡他沉冥在一時千載固難磨
小兒爲督郵磬折將如何

十八

昔余遊淦南曾上升天臺茲也誠玄冥萬里悲風來
松柏摧路傍玉梁安在哉舉手招王喬三洲限蓬萊
黃鶴舞高岑清雲曳徘徊嘆息長文術愴惻令人哀

十九

玉梁不可遊回登懷玉顛應龍噴白霧接我升雲煙
憑軒望四海溷悶良可憐可憐者誰子白馬來翩翩
明哲困糟糠庸子鶩輕軒嫵婉逞一顧力違成過愆
傾城亦何益傷哉誠嗟嘆

空同集卷十

九一詩

七

二十

黃塗亘東西六龍駕天車一馳濛汜間百計無柰何
彎弓倚扶桑抗手招陽戈浮雲徂我前逝鳥鳴相過
鳳凰愁丹山溟海日夜波行行欲安之念此紛滂沱

二十一

今日苦炎熱風雩可徜徉亭亭一孤松乃在匡山陽
李公宅深冥朱氏揚其芳仰身攀林巖俯之淚數行
勢路紛狹斜隨利來相戕命駕且復去誓與朱鳳翔

二十二

貴賤各有命昧者苦保持殷勤話言接轉面不可知
一言相千秋冠蓋赫來馳鷓雀鳴梧桐喻習鸞鳳飢

雞鳴市朝動董生方下帷

二十三

倏倏懷坦途由之乃江河波起旁所駭舟中如室家中林設暗罟鴻鵠逝九阿讒巧誠相戕飛鳥日暮過修短自然理作色將誰何

二十四

匡山有老人自稱巖下公綠髮渥朱顏皎若雲間鴻往來騎白鹿姿美精肉充招我將從之心阻難遽通流情復高翔翩翩駕天風夙昔思此人寤言期與同感此重狂顧德音常在衷

二十五

空同集卷十

十一詩

騶虞不食草志士寧苟安矩步揮芬芳凜義不可干吐辭程大猷妻子常飢寒中心思美人遙夜起長嘆延頸望西岐欲鳴途路難躑躅待天晨宵夜徂漫漫明月鑒房帷涕淚交洑瀾

二十六

臨事戒憤切憤切增煩心君子被短褐小人富黃金璇機造變化何浮不有沉不見遊波蛤前是簷中禽池鷗奮羽翼倏忽四海陰沐浴濛汜間飄颻終鄧林

二十七

少年撫長劔放浪三河濱纍纍道旁者云是金鄧墳歛翕隨龍飛策符登茂勲南陽多貴人烜赫聞朱輪

委身今黃土千載不復晨首陽有采薇餓死誰爲聞
遺義凜秋霜見者常酸辛

二十八

自聞鶡鴒鳴於心懷憂傷陰氣馴以厲庭草墮繁霜
臯蘭萎不榮瑟風遊素商浮雲晝易冥白日時漏光
登山期所思反見高鳥翔蹠躩豈規步訛言倘請張
揮袂層霄間撫劒增慨慷

二十九

昔余挾詩書京里揚鳴珂敷藻藝林間結交聚邊何
豈云傾人城絕代耀姿華分散修老醜孤遊江湘阿
出攀芳桂林倚岑揮浩歌荆榛蔽丘原浮雲一何多

小商集卷十

十一詩

靈劒有合并詠言傷蹉跎

三十

莫笑一杯水覆地東西流人命若飄光超忽誰能留
藜藿足充飢巖巒可遨遊衣文附靈犧莊子誠見羞
黃雀乾下庖白刃臨九州一爲華屋吟俄頃歸山丘
脫身幸及今世事如蜉蝣

三十一

毀譽不可校校之心煩悲榮名蓋一世千載誰見之
塞翁失其馬馬歸駒來隨生死尚無常萬事誠塵灰
舒嘯飲醇酒聊與玄化嬉


三十二

窶人困貧賤切切常自悲達者競先步所苦名位卑
且榮昏暮零二者誰復知二者不可知懊惱將何為
不見曠世子埋沒隨蒿藜

空同先生集卷第十

空同集卷十

十一詩



小人則世于野矣觀者聚生而尚無常義
入困貧窶以常自悲者競先步所苦名位卑

空同先生集卷第十一

北郡李夢陽撰

詩 五言古詩四十首

感述

渡漢五首

雜詩三首

轅駒嘆

李廣

豫生

怨歌行

詠古鏡

葑菲嘆

有夢

雞鳴篇

馳景篇

時序篇

歲晏行

苦熱篇二首

空同集卷十一

一詩

潛龍篇

孔翠篇

有鳥二首

卧疾二首

值雪詠懷

至後上方寺酒集

上巳海印寺二首

春遊篇二首

春日洪法寺後岡

秋日重過上方寺

苦寒行

京師元夕有懷丘子兼憶舊遊而作

元夕友人見訪

月夜飲別徐氏

行省樹下

感述

渡漢五首

好游良有殫今朝竟言歸洵洵舟下濤亂之將疇依
異途各為趨同木相隨飛過觀千仞禽誰復瞻其輝

二

萬事雖貴豫數極誰竟猷竭來彈我劍且復三河游
迤東望濠梁慨言懷莊周黃鳥孰興篇扮榆迺見尤
於心懷佳山昔之每自顧相逢鮮久要那得不念故
塞翁罔憂馬馬歸人始悟游女非召南千年沒貞素

四

霖雨濡我軌寒潦何滔滔墳畝峻徒悲漢流怒洪濤
思美嘆晨夕欲濟難容舫限隔豈固迤踟蹰為誰切

五

空同集卷十一

二一詩

閑登古樊城回望峴首山鷄雀躍寒蓬疇念朱岑翰
小人競錐刀羊子迺探環智愚固生性融晦靡我嘆

雜詩三首

宛宛春田鳩飛鳴柔且閑一朝化為鷹肅肅厲羽翰
衆禽不敢並孤立秋雲端鳥旣不自知人胡究其然

二

緜緜谷中葛引蔓在修楚修楚伐為薪葛也安所附
豈無絺與綌可以禦清暑烈烈嚴冬時憂君乏纒絮

三

汎汎河上舟搖搖靡攸止我欲維此舟川廣不可涖

振振鳧與鴈棲食在波水豈不良幽冀夙心耽樂此

轅駒嘆

世徑互險夷富貴安所需昔爲櫪中駿今爲轅下駒
白日仰悲鳴青雲立踟躕未蒙主人顧何由効馳驅
朝思碣石津夕睇流沙隅常恐侶凡蹇棄捐中路衢

李廣

李廣昔未遇射獵誰見稱君主猶未識他人寧不輕
日從田間飲夜止灞上亭醉尉前呼呵小吏亦見凌
一朝剖郤符飛蓋赴北平凭軾覽百邑樹羽寧千城
亭障不設燧櫪馬躍頓纓彎弓射虎歸淡淡黃雲生
自從結髮戰含鏑無虛鳴威懼五單于胡人寤寐驚
孰知身運乖數竒竟無成壯顏逐年衰白髮忽見嬰
寄言雄圖者俟命莫吞聲

豫生

士有氣相感殺身酬所知伯氏旣謝世族姓無子遺
噬炭甘若飴漆身亮何爲生旣荷君遇沒敢求君知
仇聞再三嘆攬淚惠新衣玉劒四五動左右神爲摧
愴哉彼流水迄今爲嗚悲行路佇嘆息芝蘭繞墳基
人生固有卑節義誠難虧

怨歌行

怨違情有悲懽聚理無欺懽怨非中則感離難重持
纔見春華交條已晨露滋秋風吹羅袂團扇不復施

團扇與羅袂用舍各有時炎寒啓迭運超曠多遠期
勿徒嘆捐棄恩愛倘中移

詠古鏡

熒熒堂中鏡皎皎懸秋月寵移明與奪勢滿光仍缺
美人昔提携拂拭生皎潔用以奉君子義投物不忽
良無刮磨費豈謂遽乖絕悲故情自懣爭妍道所劣
掩抑經冬春蕪蝕怨芳節黃鳥及候吟朱蘭有時歇
推移準運理顯晦遵前哲顯晦亦何憐所嘆在乖別

對菲嘆

菁菁田中葑與與疆上菲托根豈誠異敷葉為誰美
采掇女心嘆遵路勞情理鮮莖入素手終朝不盈筐
置之獨長惋投淚沾衣裏白華肇卑薄谷風啓怨詿
色衰使交離棄美因下體空瞻寸晷旋倏見嚴飈起
徒持履霜戒誰念禦冬旨吟嘆非貞喻托物聊在此

有夢

濡迹古梁郊托茲洪河疆流景逝不處衆草忽已霜
玄雲駭崇原鳴風激空桑侯子竟此夕念獨涕沾裳
人欲天必從神交詎無方解襟即幽寐執袂奉顏光
道睽未終已舒體各異鄉鳴雞在東壁薄月鑿空床
精誠諒有合暫違寧詎傷

雞鳴篇

宛宛天運周雞鳴夜復旦疾者寡長寐思者多寤嘆

痛憂積中腸緒理一何亂衆人沓經營君子樂衍衍
高山變爲陵深谷化爲岸願從詹氏卜乘槎問河漢
馳景篇

小至方泱辰居然冱寒臘澄空暮霜斂雲物恣吐納
眷念河關阻悵望三川楫城陰多悲風馳景杳難接
遙憶鹿門駕緬軫馮驩鈇

時序篇

逸矣時序邁悠悠羈思懸少歲覲飛龍振步躡雲煙
揚芬凌紫霄結駟覽黃淵王綱祗以穆四海屢豐年
晨趨謁雲陛晚沐踏京塵流觴擁華館藻翰飛陽春
逸者眷多暇壯士耻無聞徒閱芳華改何有尺寸勳
日月不我待倏忽星運移抱疴冱茲夕愴然傷夙期
玄髮難久恃母令達者嗤

歲晏行

歲晏幽陰積寒霖夕館空浮雲起城闕浩眇安可窮
悠揚橫太虛回薄蔽鴻蒙我有一叢蘭種之良亦難
飄風忽來吹零露苦相殘勸君留此草蕭艾不可寶

苦執篇二首

大運互伸縮二儀每驕蹇陽威苟不烈陰馭何能反
避暑躡清榭拭汗望幽巘密綠暝豐林萋蕪萎修坂
逃飲豈其性對食不能飯嗟彼馳騁子晨暮各忘返
執執古有經愚智詎相遠何當蘇海宇余亦遂仰偃

二
伏陰會當升愆陽固有期墻茨覆鮮實螽蛄夕以哀
所虞大火流卽值涼霜催軒轅製六律大舜彈鳴絲
四氣爲之和民生寡憂思古理日云邈季運安所師
我懷良已永炎曜况倭遲願言惠清飈颯然均此施

潛龍篇

驕陰不可制堅冰憂我衷陽馭條來返玄律播陰風
譬彼晝與夜循環固難窮古人閑行旅九市禁相通
陽升懼不力靜以收其功養木當以萌養德當以蒙
眇哉一絲微柰此群陰攻脉脉淵泉底疇能拔潛龍

孔翠篇

空同集卷一

六詩

孔翠耀其羽迺爲俗所珍神龍處九困潛躍固有因
小人役瑣屑君子揚其芬遐哉顏閔烈千秋灑靈靈
出事金玉昆入奉堂上親恩義苟不虧豈必饌芳薰
爰騁六藝圃載沫詩書津何當繼喬木振珮躡高雲

有鳥二首

有鳥東方來長鳴向西北竦身欲縛鳥自顧無羽翼
白日蔽高陸玄陰視無極風颭晝烈烈積霰墮我側
星紀雖云周沴氣尚難測逝者一何速來者懼不力
杖杜生道左孤桐棄遐域雖懷壯士情詎補陽和德

二

一爲羈旅士遂使年歲積人情感新故慘慘不得釋

夜視天上星翳翳雲霰隔陽道即光明何由布德澤
離居多永憂悵念在今夕借問悵念誰是我同袍客
豈謂涼暄殊所嘆阻疆場緘書寄游雲會托南征翮
二
嘆息中林蕙望望何能采

卧疾二首

寒飈振疏牖十日歲華改王孫怨修路芳草若相待
寸心百慮嬰移疾屢朝晦范甌蛛網生翟門雀羅在
眠痾感歲晏中意長刺刺展策不能讀對酒寡懽懽
晨風激幽林堅水滿川澤短景不可駐倏忽變昕夕
飛雲迅南征歸鳥厲其翼地北常苦寒寤寐想溫域

值雪詠懷

空同集卷十一

七
詩

索居倦晨暮杳杳傷歲窮玄雲爲誰屯流霏夜常風
映隙旣窈窕穿窓亦玲瓏凌高似有綴填卑忽若崇
裒多雖稱物益寡竟誰功匪無盈尊酒斟酌解我忡
途路悵伊阻佳期杳莫同握瑾惜楚老投瑤怨國風
人欲天必從精感理能通鍾絃曠易絕郢調寡彌工
持爲知音說庶以折其衷

至後上方寺酒集

夕陰晦昏氛我行值嘉明白日展冬耀雪霽松林清
景異賞貴延朋集杯難停入筵午未端歸騎夕已冥
衝風振巖廊鈴索抗高鳴塔虛響先奔珠圓光易傾

超物慮可澹遺榮累果輕又枉証詮理一悟得所徵
上巳海印寺二首

勞生苦役役况乃值温陽林園有嘉榮蹊渚生柔芳
秉簡迹已陳袂襖難獨忘駕言適蓮宇迂紆陟虹梁
峩宮延暮色陂樹藹青蒼詎知幽勝區占茲佳麗鄉
居然心境寂彌增塵路傷

二

眺遠及麗辰登危開我襟秉炬躡佛榭杳杳夕光侵
芳湖遠澄鮮幽隍覆層陰畢景沒長甸輕霏變春岑
仰矚雙龍闕却瞻上苑林歸翼矯以翔鴻鴈多哀音
蒼蔚桃李場孰分松柏森

空同集卷十一

八詩

春游篇二首

東氣散廣陌北杓指青陬美人惜春陽鳴鑣事遨遊
遨遊覽萬物紆遲駐道周京邑藹九衢合沓喧輪駟
黃鳥集于林碧草生御溝御溝多垂楊芳樹夾朱樓
早崇冒休澤鬱哉帝王州

二

朝遊東市陌暮出北城衢夕林何嶽岑華月耀西隅
宵征泝皇垣廻策遵玄湖春冰日以薄鳧鴈聚喧呼
逶迤浦淑貫金刹據中區前有三石梁宛若垂虹紆
却顧雲中觀翳翳蔽松楸

春日洪法寺後岡

暄陽入廣墟平阡暖煙蕪稅鞅尋高禪陟丘眺神都
白日麗中衢青霏藹林岨碧草一何萋叢葩亦已敷
壘壘誰氏墳嶒嶒三浮屠鑿石錮九泉雄構耀城隅
輿臺盜綺衣苔蘚封丹樞矯首視天宇剡剡浮雲徂
崇名古所欽多藏祗區區

秋日重過上方寺

居閑懷行游觸景慨時速昨來春華敷秋草條已綠
弱蘋布霜漣叢蘭委寒陸壘果媚西陽漂籜滿空曲
物遇信絲曠情移乃躑躅夷猶步前庭迤邐陟曾麓
夕風一何厲行雲結相逐鐸音抗高聽塔影駭流矚
聿非封侯骨虛擬燕領肉飛纓靡不榮芒屨諒應足
寄謝世上人吾久脫羈束

金同集卷十一

九詩

苦寒行

白日斂光曜北風如劒刃澤堅走鳴車氷雪峙千仞
登高望四海四海水將結蛟蛇壅巢窟虎豹潛於穴
嶮岒太行谷蒼莽陰山戎沙磧晝飛霜壘門吹烈風
鳥雀墮巖壁黃狐嘯空城居人掩關卧客子無復行
京師元夕有懷丘子兼憶舊遊而作

名都鬱坳壘浮雲陰孤臺宿昔與丈人攬袂凌崔嵬
延眺殊未已明月從東來俯身覽九陌車馬何諠阗
朱門競笙竽鐘鼓趣行杯詎知前代人寒隧生青苔
金珠委瓦礫鉛華安在哉沉冥日云富感激令心哀

丈人方岳裔夙質謝塵埃婚嫁慕向子幽棲放顏坏
七十尚蛇蟄白衣潛草萊嗟余糾簪紱俛仰阻沿洄
逝將親逸躅榮盛等浮灰

元夕友人見訪

春月多麗輝白雪媚其姿美哉京洛夕銀潢鬱逶迤
逶迤帶紫陌車馬驅以馳繁燈張四衢都人競遊嬉
道者便靜性俗夫乏遠資林塘枉冠蓋繼緒非我期
金波低宛轉明星漸離離清光苟不虧永與浮雲辭

月夜飲別徐氏

仲月玄鳥集蚯蚓蟠于廬塌從徐氏飲置酒臨中除
明月一何光眾星爛高虛中有參與商相望慙不舒

空同集卷十一

十詩

人生雖有懽詎得常相於夷猶廣庭內惻惻摻子祛
哲人重明德邁士懷離居離居諒復合行矣慎所須

行省樹下

中林溽雨積蕪徑暑日薄衆鳥集于樾鷓風眇焉託
披雲矚岑觀縹緲三阿閣踽踽懷昔賢擾擾疾焚錯
夷猶攀榮柯慷慨念幽壑

空同先生集卷第十二

北郡李夢陽撰

詩

五言古詩四十四首

贈荅三十四首

贈四子

九子詠九首

贈姚貞外二首

別諸生漢口

贈張含二首

送張含還金齒

酬提學陝西朱君以巡歷諸什見寄

酬秦子百泉之招人事羈滯頗興延阻之嘆

五首

將赴南邑借丘長公巾車

空同集卷十二

一詩

襄陽篇奉寄同知李公

寄題隴州閻氏林亭

送張六還京口

送裴生京師

送鄭淳

贈李僉事衢

將赴江西寄別殷伊陽明府

鷺山訪汪氏因贈

冬日撫州贈友

內弟玉園庄歸

悲悼七首

內弟左國玉挽歌

改營外舅大夫園域

熊御史卓墓感述

徐子墓

溫太真墓

澹臺城明墓

孺子墓夏謁

詠物四首

孔廟松

犬詩二首

詠信州茗和鄭子

贈荅三十四首

贈四子

絲絲遠道積冉冉歲華晏
米霜夕轉巖星斗夜仍爛
蘭缸照寒戶旅士懷鄉縣
方幸厠鱗翻詎謂各分散
岐路忽在茲山川復悠緬
王子萬人特英論薄煙漢
康生千里足邁景速流電
瑰璋欽奉常秀朗推中翰
冲標汎光蕙逸思凌玄鴈
所嗟異根株逝矣悲霜霰
興言念睽晤佳期阻權宴

金高集卷十二

二詩

九子詠九首

序曰九子者皆天下賢豪人也今乃合余於孟氏之堂祖行也慕義傷離悵然有感於前遊於是作九子之詠

劉戶部遠夫 大謨

遠夫振英駕乃自儀封里
孟復旣鷹奮秉衡亦颺起
獻賦擬揚雄彈鋏笑馮子
時異各睽隔蓬轉自茲始

王戶部遂伯 純

矯矯王遂伯深心托玄素
豈謂萬里空見此天馬步
獨行迂流議苦忘涉煩務
曰余鴛鴦姿倘辱導尋前路

王職方錦夫

尚絅

職方昔垂髫邂逅在梁汝遊關匪豹隱攀邵遂鸞翥
鴻詞振宛洛一一中音呂訪戴諒不惜縱息非所許

穆檢討伯潛

孔暉

清廟播芳嘆朱鷺激潛調沉冥會詮理刻苦光逾耀
注易在今茲醴酒企餘照載吟古離詠卷拙慚賡紹

馬給事中敬臣

卿

敬臣閨闈彥處世恒自拘朝謁金馬門慕向青瑣趨
朝隱慕方朔修辭劇相如太阿不在掌非君獨嗟吁

陶行人良伯

騷

陶子三泖英妙小富篇翰至響本無聲隱璞疇能辨
空同集卷十一

三一詩

運甓不云苦漉酒聊自玩解龜幸心許傾蓋荷清謙

馬進士君卿

錄

君卿素所昧密意宛相向醉酒似馬周讀書薄劉向
時人固不識古志益骯髒試覩同遊子硯礪盡英行

戴進士仲鵬

冠

南州寶才窟小戴亦橫鶩探鏢乃叨竊對孔豈在屢
左右佩采薺追趨信陽步傾城在夙昔贈我陸機賦

孟行人望之

洋

孟生瑚璉器英邁徵古篇登泰夙所期望洋豈徒然
欽趨矐矐後抗志耻盧先吾方把任鈞倘借襄陽編

贈姚貞外二首

高鳥厭羣飛孤雲恒自輝
綢繆誠靡乖何必久要期
傾蓋有芳訊白首則見疑
斬斬龍沙濱風波暫徘徊

二

零濛不澤物衝風夕曾波送歸
念維楫眇言望江河
鴻逝摩九天蕭艾被泉阿
長濤鯨孤嶼峙此將如何

別諸生漢口

大江流浩浩五日與子期
風潮變旦暮六日達漢涓
人心重攸愛酬德視其施
伊茲匪不辛所急非睽離
晨飈望我帆夕也宿共涯
浮月每皓皓逆雲遽逶迤
情淵分有窮愴子當分垂
昔爲同池萍今向東西開
大別峙嵬嵬林蟬暮何哀
俛首前逝波倚艫各徘徊

贈張含二首

高集卷二

四一詩

已嚴蓬池駕遽返夷門
歇商風動榮草簷雨鳴不絕
客病良易積况值變華節
悠悠城西館修爾雙經月
昔至體流汗莎雞倚戶聒
子也苟寧志川廣豈難越

二

流光逝忽忽天地一何軋
六月子來至月也今已入
客子悲遠道時氣侵蕭殺
豈不念爾單室邇泥路滑
三日兩賡歌一日一通札
寂軒倚衰柳柰此夕鳴蜩
父母不下堂歸軫何時轄

送張含還金齒

百憂強自排感之輒復積
亦知別心苦所柰懽愛客

迢迢西南夷嘆予此行役出雲懷舊山倦鳥厲歸翮
時情苟靡遭勉合亮奚益還道尚云遠去去加餐飯
爾提學陝西朱君以巡歷諸什見寄

煌煌百二宅懷里念前都孰無雍門哀恨役久長途
登賦時有望所苦言辭靡自蒙新什惠披玩忘晨晡
䟽越發潛響爛若湍錦舒慙亦作者末欲畫安我愚
瀏瀏回中吟宛遊秦隴隅清渭韻泱泱南山筆巍如
誰云篇目寡已包千里餘讀旣搔我心倘附西飛鳧
爾秦子百泉之招人事羈滯頗興延阻之嘆

五首

暑阻慮難周絃促調不緩風零徒情嘆濯熱爲誰纂

空同集卷十二

五一詩

昨枉泉上期結念在晨晚折花信延佇欲往心莫展

二

心展會有時跡垂難重期自我別林岑修焉周二暮
物靈賞不延神往情詎移想像北池遊回撓驚南漪

三

南漪亂渚烟北池弄清漣芙蓉發錦苞白石響礪泉
慮澄美莫致景入情更牽攀英蓬來迹倚壑悵周旋

四

周旋懽莫同回策入雲峯陽崖亘積雪六月如嚴冬
若人竟何乘孤遊邈難從倘遇仙潭鯉露我躡雲蹤

五

躡蹤誠靡尋佇瞻勞我心高高望雲霓橫絕天中岑
遊泉嘆昔女隔阻匪惟今投桃遣來使倘惠瓊華音
將赴南邑借丘長公巾車
北遊情未斂初吉復南鶩積疴畏登涉但焉憚修路
控銜力不任執綬性有慕願蹈高賢轍懼枉邯鄲步
諒茲無憾心庶慰車中顧

襄陽篇奉寄同知李公

晨登大梁城南望襄陽郭漢流趨何急樊山氣參錯
樹高風來集道大惟淹泊投沙理雖迫召賈恩非薄
辛且便山都聊遊謝羈縛仰攀躡孤岫俯眺聆大壑
寒江歛夕霽遠岩映林薄習池宴山簡英寮敞翠幙
偶同攜葛強飛翰凌觴酌歸聞銅鞮唱行和峴山作
覽跡驗物理觸嘆徒今昨沉憂亮無益流坎任所託

寄題隴州閻氏林亭

出處信不易卜築豈在遠聞君壯年日頗此遂仰偃
創基倚北阜開窓面層巘雜樹蒼蔚蔚長流激清淺
跡異願不隔路阻日遂晚愉悅各殊趣幽意不逮顯
春風翻深谷裊裊葛葉展代耕與灌園垂老付所遣

送張六還京口

雲黃風色歇送子逾修畛野風吹江樹波水清且緊
歸舟本自鶩况值順流穩金山會當聚別暫情可忍

送裴生京師

大江積風雨驕陰久我仇懷役念戈艾潢潦憂中疇
戚戚感物慮况子行遠遊鬱哉朝宗心殷勤眺風洲
贈鄭淳

路縣家室怨久別誰柰苦荏苒及春孟水消舟莫阻
臨觴嘆河邁指景赴前侶汀曲帆易隱勞心望徒佇
贈李僉事衢

處世寡諧合營道無貞心緬邈伯牙絃嘆息誰爲音
竊祿匪我志隨風豈能任所以棄朱紱窮年臥空林
君子在榮顧駟馬一何駸輕蓋蔭白日軒車匝庭陰
宴晤及春期列筵享同襟目快淑氣草耳聆悅時禽
肴至弗徒歸觴舉恨不深末路校通塞鑿止無飛沉
託意誠匪殊在遠固宜欽願言附松蘿子其斷堅金
將赴江西寄別殷伊陽明府

全唐集卷十一

七十一詩

引年豈必老求志不在奇曰余逾壯齡遭斥還山棲
事與北門合跡擬東陵齊滅音謝人徒四暑忽逮茲
向平果遺榮謝安終徇時詎意值嘉運末照及葵藜
簡書下我盧急遽誰得辭迢迢江西帆別當首夏期
束裝逐流潮改服團炎颺情鬱爲念故寄重慚余早
虞絃改自調孔鐸湮誰持江漢誠暫浮巨盧寧久羈
返貞意已堅抒懷告心知

鳶山訪汪氏因贈

昨余發弋邑急霰舞鳴湍灘高果莫汧改騎凌層山

山層水復曲歲晏嵐風寒捫蘿冒嶮嶮踏水涉洄沿
日入達平夷倏覲君子關清溪交遠坳高松夾路間
遺榮靡所希時仕義乃詮未羨焚魚高頗欽竒字傳
矧伊連枝芬慰我同心蘭繆綢促宴掌曙猿響南巒
冬日撫州贈友

晨光鬱將布時嚴氣自懍陽也諒匪力厥陰無亦甚
時極理終固情成勢難寢徒然江漢紀莫制北颺凜
寒滯落孔家霜色峻石廩甘菊冬始華赤樹紛如錦
校閱纔及旬勞拙遺安枕旣已阻携玩胡由接芳衽
擬峴行共陟寄言備醇飲

內弟玉園庄歸

空同集卷十二

八 詩

逾年始及村日入復言歸言歸亦何爲景異情難持
沙禽噉噉鳴園林收暮霏暮霏轉急湍春草碧漫漫
我行已逾堤我心念猶攢志往物不隔室遠詎無端
誠乏靜者慮郊野豈徒安

悲悼七首

內弟左國玉挽歌

滔滔水東逝靡靡日西馳日馳雖更晨水逝無還期
清醕滿華尊鳴琴在笏茲門堂不改故若人竟何之
天枉獨兼今凝澄究若斯二紀罔自保千秋寧詎知
情慟道與結感往志彌悲皇皇徂暑月捐我就郊岐
故築卽新墳廣路席前碁狐兔夕向啼芳麻延碧滋

解缺心已許回轅痛豈欺永測游魂理徒此眩盈虧
改營外舅大夫園域

貴賤無二死賢愚同一丘明公昔謝世跡駭理夷猶
夷猶及茲年墓木拱已稠志决物可替運旋情更酬
悽悽臨壙穴崩迫覽陰幽昔爲美丈夫今與腐者儔
枯骨蔓草纏劒珮攢蚍蜉痛沉祗愈迷神期竟何遊
名崇壽罔積露墮蕙先秋芳塵滿華屋故馬咆哮行
改園僅逾阡穿地即我謀方期粉檟成庶紆生者憂
爲惟國士遇因慟遂成謳

熊御史卓墓感述

幽幽山下江峩峩山上松纍纍松下墓瑟瑟松上風

空同集卷二

九詩

慨昔與君遊並遊京華中我冠省臺內鳴鑿趨步同
中更嘆莫借永逝當何逢絕絃已易慘挂劒今誰從
駕舟亂回洋展墓臨高崇浮雲駭南流顧望摧我衷
德音旣長已情感胡由通祗餘泣麟意悲歌傷命窮

徐子墓

晨興駕我車行行造古墓墓門一何寥踟躕久延顧
白阡修且直青松夾中路借言葬者誰漢時徐孺子
麟出諒不偶龍潛竟何以峩峩東都會藹藹青雲士
一鳴爭及時邁跡畝先軌冠蓋紛若雲車馬闐京里
鳴玉氣自振排闥情難已鴻鐘有競勳大策無停紀
斯人獨岑寂哀嘆勞心理

温太真墓

雙鶩讖妖端一馬前休兆中原既板蕩臣主同奔峭
長蛇恣吞噬白日掩孤曜心違祖逖楫事躡扶風嘯
康屯見斯人辱已存機要建侯竟誰功江介無飛旒
勲成身乃殂天逝徒心悼側惟盈縮理虛咎燃犀照
遺墳闕清千古樹寒新廟來阡莽迴鬱弭節紛延眺
載瞻徐墓邇益壯風流紹

澹臺滅明墓

子游昔宰邑邑有澹臺公非公不見宰不徑垂無窮
身故埋豫章豫章乃城中長松何寥寥石墓堅且崇
崩館晝常陰古樹多悲風丸丸擁基藤垂垂網戶垂
喧寂本異感慨惋當何同道伸固難滅瞻睇搖晴虹

宛高集卷十二

十一詩

孺子墓夏謁

懷賢意實勤展謁良已屢手茸蔓草盛間關夏禽哺
野歛延竹戶丹華綴高樹徘徊想故榻留連果誰遇
詠物四首

孔廟松

夫子廟前松童童一青蓋盤擎若蒼龍借問自何代
靈穎度笙竽古色積烟黛峩然森翠中鬱彼風雲會
絕勝講壇杏應並闕里檜

犬詩二首

警夜力不瞻逐兔非所任吠花春院閉戲草日移陰

空同先生集卷第十三

北郡李夢陽撰

詩 五言古詩四十七首

游覽

余懷百門山水尚矣頗有移家之志交春氣
熙忻焉獨往述情遣抱四詠遂成不同好數
子

自大過渡河趨陂沙岡

陽武詠懷陳平張蒼遂及博浪之事

覽遊百泉乃遂登麓眺望二首

登大梁故城 德安趨潯陽

空同集卷十三

一詩

宿圓通寺

釣臺亭成

臥龍潭

白鹿洞徧覽名跡

始至白鹿洞

陟嶠

廬山秋夕

落星石

泛左蠡

騎登謝址復舟觀于石壁

南岩寺

赴懷玉山作

至懷玉山會起書院

薛家樓宴

曲江亭閣豐城縣

發豐城屬江漲風使

武陽抵進賢

自南康往廣信完卷述懷十首

廣獄成還南昌候了十首

游覽

余懷百門山水尚矣頗有移家之志交春氣
熙忻焉獨往述情遣抱四詠遂成示同好數

子

魯連蹈東海介子逃西山方舟信超越巖徑安可攀
揚烈猶靡徵置金徒嗟嘆伊余秉拙訥薄遊及茲年
急湍有奔桴迫路無停轅慘慘滄流月悽悽沙塞烟
徒欽靜者意未遂同袍言偶耕慕龐公岩棲景焦先
捫衷諒有持顧已竟誰諉復來感方寂解作憂更牽
抑心二十載始別金門還積疴謝人徒頗與踈遜便
眷茲丘園榮豈羨場苗篇

空同集卷十三

二一詩

二

浮海傷固窮逾河嘆誠邁濯纓萬里流高視九州外
功成奔運徂氣至流颺代妻妻秋柯零冉冉春條媚
周覽倦河壖孤悵冀岩瀨道以沉寂超賞與崇深會
豈惟超遠情亦因謝塵籟聿想山中人風吹女蘿帶
折麻凌險屺采秀越森蒼眷彌志終申獨往竟誰礙
崑崙太行峯嘉蕘百門對抗手別故懽乘雲弄烟瀼

三

閱圖訪名奇久欽蘇門山危峰羅縣牖積石噴鳴泉
情吟激衛女嘉遜招古賢出遊結夢想神往理誰詮

連岩旣鬱紆迴渚復絲芊猿吟曙霏豁鴈泊暝陰還
杖策躡丰茸解裾濯滸潏仰祝遊雲翩俯察戲藻鮮
覽物慨幽存撫化懷冥筮况逢春華文更此眺孤烟
畢婚非達生一嘯復何言

四

山客戒明發朋故來攀留岩潭窈叵測險徑增離憂
曰余負幽僻誦古歆遠遊陟懷康樂屐浮美鴟夷舟
探討傾子長浪迹多阮侯若人不可作瑤草竟何酬
事往悲易深情存道難侔以此激孤詠喟焉睇滄洲
安波有覆艫坦路無全輶危虞豈在葦薄劣終見尤
願附綠蘿緣永與棲者儔

空同集卷十三

三詩

自大過渡河趨陂沙岡

凌春遠行邁游目恣泐越漸辨林中曙遽失霞上月
觸物誰爲情悲嘆曷可歇載登墮疆場况眺宋城闕
陽坡散初柳陰曲峙寒雪只此判氣候豈必殊燕粵
泔泔濁河駛叟叟晨風發揚帆截驚瀨倚棹望窮髮
鳧鴈眇難即汀蘭翠堪結美人旣莫期天路復幽絕
陂岡鬱參錯岍沙皓明滅日暮孤雲興何以慰忡悒
陽武詠懷陳平張蒼遂及博浪之事

玉璽戒不力金鏡淪無光大人旣龍興烈士亦鷹揚
伊人各乘時矯若孤雲翔韓椎豈在屢秦氣日以喪
六奇佐揮戈五運開靈昌時來屠沽奮跡往英雄傷

平生冀風期况乃逾故疆灑淚越修垆含凄遡河梁
古墳密嶠嶢春沙鬱茫茫徒瞻松柏路詎申椒蕙芳
遺榮竟何尤任智終自戕羨彼赤松遊援筆即此章

覽遊百泉乃遂登麓眺望二首

束髮懷幽竒覽籍冀有遇來登百門泉果協佳勝趣
嵒嵒圓波踊藹藹浮陽聚止坎停泓冽激石迅湍注
昔聞滄浪濯今解川上喻豈惟傷衛歌兼以發蒙慮
况值春序中群物已改故菰蒲冒清深鱗介各有慕
行羨浴渚鳧靜對栖雲鷺岩霏空潭影林藹變朝暮
極目北上帆朝宗感游寓

二

卷十二

四一詩

發鞍憩林木杖策陟陁峴巖連嶺參錯洲曲岥迴轉
白日麗蘭薄原綠靜如洗嘯臺旣清峻行窩更幽緬
慨念昔時人瞻望淚已滋蒨荔夕搖曳羅徑復誰踐
碑板半磨滅石門積苔蘚代異道豈隔事邁迹空顯
獨采石間秀眷此何由展逝鵠無卑音潛蚪厭汗淺
曠哉古今意難與世人辯

登大梁故城

登高與處卑由來慮多端登高尚寡悰處卑焉能懼
以茲歷荆榛褰衣躡巔岼土壕帶陰風樓櫓危急湍
岩岸苦萌奔葭葦何滂滂周望鮮故物俯察多憂嘆
潛魚茸其鱗驚鳥無停翰雲浮誠不任淵沉諒何難

終附岩穴棲斯地非我安

德安趨潯陽

始征晨風息雲流日色展登陸艱且澁厲澗一何緬
維時仲秋交颭颭林颭卷綠竹垂我車丹花映行幃
冒巒維有松繡石盡成薜攀攀雖多悅亘頓乃勞倦
日中迫廬岳蹊徑愈回塞雲湧連遥嶠雨暗失近巘
奔崩萬壑會崒絕一徑轉遽訝川梁沒幸遇石瀨淺
道以習坎利用待旣濟顯介石諒益固巨川豈遂眩
誰哉能豫謀隨寓斯可遣

宿圓通寺

曉發蒲亭邑暮投石耳峰僕夫困霑濡山雨猶響松

空同集卷十三

五一詩

茲壑况杳阻顧望惟溟濛幽岩託層房豁然臨候江
竹修苞北基巘峭垂南牕俯觀曩戶蘿仰聆走簷淙
挹此暫足遣遐想情難降陶公有遺墻黃子留孤踪
通止良固殊羈縛誰爲棕坐聞吟猿暝祗令歸思忡

釣臺亭成

颯颯風磔瀉纍纍山石峻卜構倚岑削簷楹闌奔迅
俯之纔一壑仰面已千仞譟游竟日夕載色掖英俊
故杉改新陰魴鯉况充牣本輕任公釣詎慕庖丁刃
素颯裊延蔓商氣歛芳潤臨深悟遂與覩逝識大順
却笑矜名子羨魚一何吝

臥龍潭

出遊青天礪遂至臥龍潭重岑上無極白日蔽寒嵐
巉峭詎能步嶽絕誰可探歷石誠巍倨捫壑驚訝谿
我行值秋季霜藟搖匡南午攀日忽夕足倦情逾酣
雷瀑響岩澗孤花媚澄渌撫似悟命意循跡想名庵
庵廢人踪絕岩剝文半滅世異坦道塞慨茲忍能說
白鹿洞徧覽名跡

情高忽凌厲步健輕巉緬葛弱亦須捫崖滑每獨踐
涉清愛重屢探阻遺驚眩始茲陟五峯遂憩松下巘
岩桂紛始華石耳翠可卷追想白鹿跡伊人竟何遣
觸端緒自縈薜荔况在眼慨嘆意莫置顧望日已晚
夕湖浴岑峭流光戒蘭坂命酒寫幽獨鳴琴且游衍

始至白鹿洞

空同集卷十二

六一詩

曠哉超世志緬邈平生思鬱壹眷名跡久注匡山陬
南涉枉嘉命果諧夙所期仲秋岩壑清宮館復在茲
白石激寒湍岩蘿裊空基黯傷逝者往密慚來者追
性同道豈隔途異理空悲興言懷昔賢日竟眺前岐
榛荒徒鬱紆林嶮一何采感情匪哀嘆聊詠昭言垂

陟嶠

伊昔謝銜歸志頗諧綸釣甘追河上跡切慕蓬池嘯
孰知紫芝慮竟荷青雲耀值秋歷江郡弭節登廬嶠
沉深九疊秀峻極千峯峭錦繡亂岑嶸晨夕改觀眺
晶晶游氣歛皜皜寒日躍飛瀑信雷邁奔峽還龍躍

耽遊遽忘歸久住輕時誚天池絕亦捫石鏡扳可照
矧茲二三子芬馥含清妙霜嵐澄西夕從歌傲希調

廬山秋夕

山壑寒氣早日夕風色緊火流桂將歇霜至蕙草墮
蟋蟀集澗館禾委被疆吟感物憂自攢排遣情詎忍
年徂身與衰時棄世所哂躊躇夜不寐起坐萬念軫
崖傾月西流嶂曙松猶隱噉噉露猿啼行行采芳菌

落星石

千江勢欲倒蠡門支孤嶼輝輝雲崖映洶洶湍瀨挂
霜水落丈餘石角露齟齬探竒犯鯨涉停旌挈賢侶
褰裳入松寺倚竹望風渚崩奔亂帆下蔽曳波鳥舉

空同集卷十一

七一詩

秋空澹明澄浮山互吞吐靈根合道蘊曠蕩豁褊阻
貞靡亞砥柱險可並灑灑不聞永嘉勝祇因謝公許

泛左蠡

辭山意不悅水泛暫可樂微風逗帆席日鏡展光耀
揚歌蕩溟味鼓柁極窈窕指顧異晨暮俯仰改觀眺
出沒湖中山明滅海上嶠素輕左蠡險今覲石壁峭
謝屐久已蕪陶磯寂誰釣解吟松門詠令人發悲嘯

騎登謝址復舟觀于石壁

奮鶻有竒翰古鐸無追響游雲跡易滅鳴世情難想
昔吟瞻眺詠今覲湖中賞松門旣岑峙川水深以廣
昏旦候自變伊人竟焉往岩劔徒空嵌堂基鞠爲莽

扉徑不可識悲愉異今曩石壁屹寒岬葛僽僽魁魁
攬馭意已極登舟祗彌惘抱茲久延佇遵渚路回枉

南岩寺

岩高屯屋巨谷邃至跡罕仰之訝天缺登頓徒雲滿
木零鶻巢露松冷猿嘯緩一滴聆不厭五級裊可踐

赴懷玉山作

始臨清溪寺不謂茲路艱崎嶇踰南嶺轉見山鬱盤
重陰起北谷凍雨響前巒志定邁孰禦勇往竟孤攀
挽葛接懸伉架木凌飛湍律律岩壑變颯颯嵐風寒
隔港望絕岫亭亭已雲端

至懷玉山會起書院

空同集卷十三

八詩

冒險登雲峰雲湧風不卷淒淒松靄響濡濡竹露泫
沾塗意已困覩構色頗展故堂改頽制新築負幽巘
伐材但芻谷礮石况非遠清渠激修溜巔畝曠以衍
偶至若期遇天定固良鮮仰止古有訓靜成力可挽
祗虞遊業子捷徑爲世莞

薛家樓宴

閑遊北城隅俯視清江郭洪川帶名都形勢自相錯
樓觀藹鬱鬱街巷紛以漠北城良已高况陟城上閣
輕裳拂倒景飛檻聆天樂夕山一何蒼夏潦彌井絡
衝風激回流玄雲駭難泊暗觀逝者危遂悟居者樂
慷慨亮易感捫心果誰惡夷險非我爲彈劔且盡酌

曲江亭閣豐城縣

纜舟金華潭遂陟岡上閣蹊徑阻紆鬱若水光參錯
夏林一何清餘雨浙未落高覽景自異况值晚霽廓
夕日明錦湍歸雲擁華薄近山聿蒼翠遠嶺復岑岵
曠蕩感遇寓俛仰嘆今昨不見往者悲祗覲來者樂
顧瞻大江流愈恨代謝速源湧竟誰禦謙守諒能曲
所貴遺榮名覩義願有勗

發豐城屬江漲風便

午晴發豐邑挂席遡修瀨潮起果諧志風助利擊汰
棹歌落日滿目波嶠外巨川信易涉貞固乃宜戒

武陽抵進賢

空齋集卷十三

九一詩

天宇流玄化生情互陰朗積霖夜猶注寒陽朝遽上
肅肅晦色斂晶晶川水廣楓林一何赤沙嶼鴻競往
涉河歷紆鬱登嶺暫停鞅撫江信縈帶鐘陵氣弘敞
荆俗雜澆厚徵賦則邦壤佩刀豈民性剪戮嘆幽枉
自南康往廣信完卷述懷十首

越旬不出門所值疑初覲長湖迄華岳融景遞澄秀
鼓柁聿行邁覽物每欣蓮飄飄順帆風透遲斂雲晝
鳴鶴矯豐田文魚駛閑溜有生孰靡適時及異榮疚
彼哉吾豈仇乘運視所受履茲良已快迺餘足云究

二

迅風會高雲逝逝曷能已朝聳冠劒馳夕暮遭壘繫

榮辱邈何因慨慨昧成理湖程莽復闊灘溜于春駛
蕭蕭東驚帆晨夜不得止仰睇啼柯猿俛傷躍清鯉
一言季布召斥以一言毀從古誰靡然寄語求全子

三

金閣簡英儒玉書托紀綱絲言一何諄黜佞掄圭璋
澄清有夙懷攬轡誠慨慷聿茲歷三始矢志千載芳
風波駭非意多口亂否滅九閭眇以玄欲扣六融傷
所司專愛憎威刑喪厥常彼方聳輕蓋寧知嗟道傷

四

淵雲諒殊性予豈經世儔馳驅二十祀學宦寡諧謀
昔斥還三河堦言永林丘靡堅今答誰畜志竟莫酬

空同集卷上

十一詩

枉難歸貽阻眇焉悔前修陟崇望波嶺翔雲駭西流
春羽振桑榆念之心形仇東徂嘆伊始懷哉俾無尤

五

朝離傍羅浦東至龍潭宿戢柵候明發獨寤守空曲
宵晝有常理欲往不獲速多慮良攪眠強置復攢觸
起立萬動寂湍響應鳴谷驚風臨岬激高月散春木
絮雲吐岑岫玉蠅低以屬慨哉復奚道徘徊至天旭

六

一氣噫太虛吹萬良不同伊余就幽役春序奄巳中
芳辰下霜霤寒暄乖故風北柯沮靡榮南林曷由豐
臨門翳孤松悠悠慨初終張儀相六廷虞氏哭途窮

首陽乏長徽洛都鞍馬雄天定俟何時詠言摧深衷

七

雲和易成霖羲陽一何冥淹哉沮洳區佳日閉我局
覆瓦僅蔽床頽壁支數櫺淒颼驚中帷電霰時復零
天道有常乖萬殊誰竟寧子期久已徂縱陳孰爲聽
當道有豺狼瑣言訾螟蛉習坎固終利從茲傲無形

八

靜居百慮屏孤樹迺墻隅奄茲華葉更搔首睇淹如
時雲布靈谷天令震高衢霖潦灌百川萬壑寡安魚
東京構黨禍郭子逝于于伊匪三顧勤孰岷南陽盧
涼燠非力排裴葛從所須龍蛇翳厥身孔贊寧我諛

九

空同集卷十三

十一詩

赦者小人幸臣誠小人儕匪圖軒蓋榮山海有竒懷
禮法無復拘評者靡我排思夙慕華貴振鞅登要達
烜赫豈不快寤寐憂所乖識幾旣不早今戀非鄙哉
乘桴越洋濤采蘭及春滋于焉可佳客麗叟心所期

十

一夕復一辰倏忽春務易雲葉布豐林蚯蚓盤我壁
田竇仇片言厥怒一何赫笑諠有白刃千載乃露跡
倦茲掩陳記出戶睇高翻積藟聆民誣欲采不可譯
英驂振飛鞞出入勢輝奕哀哉彼何子躊躇抵沾臆

廣獄成還南昌候了十首

一淹經六旬揚舲復焉極脫然雖靡由事事嘉可即
依依春功奏朗朗維夏逼故茲波與嶺觸目異前昔
逸雲散歸雨川水浩崩溢挂帆趁風溜覽岫湊悲憐
昨猶置中兔今爲頑林翼逸言念先古展矣我心獲

二

直木防見伐茲言豈我欺若華耀四海孤逸疇見知
莊鷗運池溟舉翼九天垂風積苟不厚中路將安期
嘆息竟何語俛視川波馳溢霖驚洪濤千載固厥時
燕石一何珍有驥不自持野颺激靈襟逝言悅長岐

三

時至鮮枯枯林未蘭被長坂臨嶠覲賢跡停楫暫遊行

空同集卷十二

十一詩

靈雨吐葛花相葉已復展佳哉溪上邑流峙巨而緬
岑岑徐巖秀飛泉洒丹巘岩亭交景風裾帶時自卷
居高乃慮孤涉歷悟攸遣枚枚三陸宮千秋竟茲顯

四

餘千濱巨湖厥土曠以浮津驛暮何囂避之泊南丘
遣子省其母析權詣江州明星波洄洄欲發仍復留
有端靡絲微涓涓遂成流拊心實罔慚患來誰誠謀
紛綸及今茲事已遙尚憂志士常苦貧飢渴無我尤

五

昔遊東山日覽古肇新宮徐令實經營絃誦溢其中
閱茲奄三年離滯心莫同我舟非不維柰此西逝風

乃子胡德余于邁遠從公朝旦發龍津暮棲依瑞洪
湖山没如拳波途浩難窮佇瞻有深懷貽誼勒堅崇
六

夕棲瑞洪渚遙覽渚北山相傳洪崖子乘雲自此間
履跡今尚存其人邈莫攀粵余登征途頻年涉間關
毀譽一嬰心寤言多所嘆於茲誠踟躕振衣躡前轡
泝水莽浩浩驚風蕩回川欲濟惜無梁飈輪儻中還
七

登艫脩五日覽接漸增闊洶洶北注川瀏瀏得縱壑
劇哉風水慮履順故靡豁高鳥厭塵集智士貴處木
交甫懷漢瀆婉變情遽奪結駟匪不侈險至誰竟過
沉身厥亦罕萬世惜不脫遙遙哀雲岑瑤草爛孰掇
八

空同集卷之十一

十一詩

明晦每無常人道豈不然歸雲徂靡餘日華耀清漣
戚愉緊為誰喟然想千年姑蘇寵宰軼越孤辭會山
梅將輔番君范子逝不還垂歲君子貧枉尋矜大賢
時霖潤萬物猶冀乃同妍東門可棲遲歸歟聿奚言
九

陽鳥逝無餘覲者鶯與鳧青青澤淑毛刈之糞誰甬
經過問當年云茲夙屬吳歸命喪厥儀長雲奄西徂
撫床竟空言金陵乃以都桓侯威入州溫氏闡雄圖
聆言愴我衷徬徨感終初混一今其時舟騁非爾虞

仲冬別豫章涉夏茲復臨涼燠殊厥時能不摧我襟
樓觀蔽泰清衆木凄以陰倚橈陟龍沙優游眺洪深
魚鼈潰驚流瀾駭遂至今中有夙縱鳧振翼回哀吟
波阻杳莫即馳景忽西沉抗手自茲辭萬世懷飄音

空同先生集卷第十三

空同集卷十三

十四一詩

